

Illustri ac Generoso Domino,

D. ALEXANDRO WEDDER-
BURNO, Domino DE BLACKNES,
&c. Equiti Aurato, & inclytæ apud Sco-
tos Civitatis TAODUNANÆ, Secre-
tario dignissimo,

Mecænati plurimis colendo nominibus.

NEC NON

Eximio & Spectatissimo Viro,

D. JACOBO KADANO,
Domino DE CRAIGIE, &c. Fratri
& Fautori meritissimo.

Disputationem hanc Inauguralem

D. D. C. Q.

THOMAS GLEGIVS,

DISPUTATIO MEDICA

INAUGURALIS,

DE

ARTHRITIDE.

THESIS I.



Arthritis, si vocis etymon, quemvis *ἄρθρον*, si usum spectes, peculiarem indigitat affectum, qui quæ à Barbaris Gutta appellatur. An autem, ratio maligna generica, an potius, determinata ejus species, hoc nomine designanda sit, Lis est de nomine; quam fugimus: nobis in priori sensu usurpasse liceat; quamquam & posterior placuerit aliis.

II.

Pars affecta est articulus; nunc unus, modo plures, non quivis tamen, imò nullus, secundum omnes sui partes: Sed qualis affectus, morbusne an symptoma? neutrum nonnullis, at perperam: aut tumor est aut dolor: ille sæpe quidem, non semper tamen, & omni adest; sensibilis saltem & sensibiliter lædens; hic inseparabilis & urgentior: Esto igitur Arthritis, rudi Minervâ, dolor circa articulos.

III.

Dolor omnis, ex vel cum solutione continuû, fit: quæ autem sit hujus, in hoc affectu, causa, non convenit. Vix tantam à flatu pertinaciam, à siccitate energieam exspectem: Quæ flatuosa vulgo dicitur, ne vel Arthritis est; nec quævis movendi impotentia cum dolore, hoc titulo, censenda venit. *Galeno 3. Aphor. 16.*

IV.

Sit igitur humor, isque excrementitius. Sanguis, vitæ hospes, non hostis, pabulum, non patibulum, à multis, at injuriâ, reus agitur. Circa partes affectas & afflictas, tumor cum rubore, phlegmone, non raro subsequitur; subsequitur tamen, nec ubique; quorum illo,

causæ in uniuersum, hoc verò, adæquatæ ratio, sanguini adimitur. Ut-ut ejus affluxu augeatur dolor, augetur solummodo, non incipit, nisi quoad gradus. Consule Therapeian, quæ si manca sit, Naturam; neutra in Arthritide suppurationem promouet; quam alias in materiâ sanguinea tentare solet hæc, debet illa, ubi affectus contumacior.

V.

Pituitam resonant, cathedræ, praxes; culpabat olim antiquitas; sed insontem; nec eadem est, œdematum quæ in Arthride subapparent, & ipsius, materia; nisi ex conjunctione; separabilium etiam, arguatur identitas. Quæ hic cernitur mobilitas, meabilitas per angustissima, aliud, à crasso, quæ sentitur vis ignea, aliud, à frigido humore, subiectum postulat. Quid? quod ætate puerili, nulla huic succo crudo obnoxia magis, nulla tamen ab hoc malo magis immunis sit.

6. Aphor. 30.

VI.

Cujus ergo cacochymix soboles? melancholicæ ne vel suspicio est; biliosam non suppeditat senectus: Anne igitur serosi humoris? Rectè, modò rectè intelligas, nec nudam subintelligas aquam: Sero insunt quidem partes aqueæ, sed & insunt, miscentur saltem, aliæ: plerunque falsæ & mordaces, spirituumque mineralium æmula: quibus potissimum debetur hic affectus, solidissimè ipsius phænomenis satisfieri potest. Quamquam enim primarum qualitatum ametrix, nullam, Paracelsi sit, omnem tamen vim ascribere, ne vel Hippocratis est. Ex osculo oraculum illud verè Apollineum in Lib. de Prisca Medic. *ὁ πῶς τὸ ψεῦδόν ἐστι*, &c.

VII.

Terra, licet mater, sæpe agit novercam, & cum succo alibili toxicum miscet incautis; plurimas enim in sinu claudit quisquilias, nec unius generis, passim minerales; quas cum alimento ingestas, ab utili fecernit, secretas eliminat, quæ in nobis est, modò vigeat, vis Spagyrica: secus, si hæ, aut ipsæ mistæ penitius, aut languidam nactæ facultatem, in corpore cumulentur, diras, oblatâ ansâ, In ipso tragœdias excitant, & inter alias, Trago-podagram, lugubrem satis & importunam.

Causa

Causarum remotarum ad humoris hujus cumulationem, faciunt quædam, ad cumulati impetum, aliæ. Illæ potissimum sunt, mala viscerum coctioni dicatorum diathesis, ex lege nascendi, aut ex lege vitæ; evacuationum, quæ à natura, suppressio, quæ ab arte fieri solent, omissio; præsertim ingestorum succo hoc salugineo scatentium usus; in quibus, ut vinum, venenum illud sed amabile, tenet primas, ita nec insons, quæ maxime videtur, aqua, saltem alicubi. Mumia contagiosæ meminit Flandet Toparcha, sed errat novaturiëns, dum in arte monarchiam affectat; de Epidemicâ quidem hactenus, contagiosâ verò arthritide, nullibi, extra ipsum, legitur.

IX.

Humori impetum præbent; ipsius, aliorum, copia gravans, qualitas stimulans, naturam & validam; animi motus quidam, corporis nimii; aëris intemperies præcipue anomala; & quæcunque in contentis organum excitant. Sed cur ad articulos: an ob peculiarem humoris proprietatem? Affirmat Sennertus, Author in occultis nimius: an potius ex ipso articulorum fato? quod est debilitas, vel nativæ, ex situ & caloris defectu; vel asciticia, à causis extrinsecis, ut laboribus, frequentî mali insultu, Venere imprimis; cujus usu, ut universum corporis, ita articulorum præcipue tonum collabi, serio, licet sero, experiuntur cultores. Felices, hoc nomine, Eunuchi, sed infelici remedio.

X.

Hactenus de movente & mobili; de spatio & terminis exstant, restant controversiæ. Regia per venas (arterias) via, displicuit Fernelio, placuisse debuit; nec occultis opus erat meatibus, ut falsæ satisfaceret hypothesi: Non in extimo, quippe, capitis, sed intimo corporis, congeritur hæc materia; hincque per apertum vasorum alveum, non illinc, per cæcos sub cute ductus, depluit; Secus, (quæso) cur non hydrocephalum semper, quî colicam unquam sequitur arthritis? Febris, passio (ut loquuntur) venosi generis, hanc terminat nonnunquam, sæpius ab ipsa terminatur; at quo modo, nisi per vasa, id fiat, dicat Oedipus. Dilemma Fernelii, neutro nos, utroque ferit ipsum cornu; & separatorem, quem sollicitus exigit, ipse exhibuisse tenetur, alias exhibuit, De termino ad quem lis etiam movetur, sed compositu facilis.

XI.

Ex dictis manifestum est, quod Arthritis sit, dolor, ab humore acro & seroso ex arteriis in articulos effuso, partesque circa ipsos sentientes distendente, aut vellicante, ortum habens.

XII.

Vulgata est Arthritidis divisio, in biliosam, sanguineam, pituitosam, & melancholicam; quæ nulla tamen est, nisi addito salis momento; & non tam Arthriticæ materiæ, quam cum ipsa conjunctæ, habeatur ratio; rectè enim Fernelius unicam hic agnovit causam, malè frigidam statuit. Receptiores sunt, ab articulis, petitiæ differentiæ; quarum tribus tantum usus imposuit nomina, chiragræ, podagræ, & ischiadi; quicumque alium, aut plures simul articulos, occupat dolor, retento generis nomine, Arthritis dicitur.

XIII.

Non multâ opus est mentis conjecturâ, cum malum sensui aperte pateat; ægri saltem, sat superque, magis quam vellet: dolor quippe articulos vexat, nec levis imò tantus, ut nonnullis vitæ odium fecerit; adest motus impotentia, depravatio nonnunquam; tumor frequenter cum calore & rubore; sæpissime febris, & quæ hanc comitari solent, symptomata. Cætera luculenter prosequitur Lucianus in sua trago-podagra apud Sennertum.

XIV.

Sed frustra in affectum inquiritur, qui cognitus spernit medelam; in quo censu, sensu fere omnium, vel audito nomine, refertur Arthritis: hætenus quidem exitit curatu difficilis; non incurabilis tamen est omnis, ne vel omnis tophacea; modò quod suum est, præstet Medicus, æger quod suum; quorum culpâ sæpius, quam mali naturâ, prorahitur. Suadeat igitur patientiam Socrates, dum cum Hippocrate curam aggrediôr.

XV. Quæ,

Quæ, vel Therapeutica est, & præsentem remover, vel Prophylactica, & futuros prohibet insultus. In priori, unam, ipse præternaturam affectus, aliam suppeditat indicationem, causa. Ille leniri debet Paregoricis, aut si gravior sit, obscurari narcoticis. Huic prospicitur. 1. Venæsectione, in Petro, non in Paulo instituendâ, quos curat Medicus, non hominem. 2. Purgatione per alvum, statim per initia, & efficaci, habita tamen virium ratione, simul & experientiâ. 3. Sudorum prolectione, & quidem diaphoreticis, si febris, adsit, mitioribus. 4. Topicis, quorum quæ repellentia sunt, suspecta sint, si sola sint, si repulsioni jungatur adstrictio; tutior resolventium usus, tempestivus nimirum, & evacuato corpore; additis, si à topho metus, emollientibus.

XVI.

Prophylaxis, materiæ collectionem inhibet; collectam opportunè evacuat; primum præstat, debitum visceribus tonum restituendo; & exactam Diætæ rationem instituendo; quæ hic tanti est, ut sine ipsâ, frustra ægrum & se torqueat medicus; ex ipsa verò, sine medico, plurimos evasisse compertum sit. Hæc longa apud Præcticos serie, per sex rerum non naturalium usum, deducitur, qui videantur. Inprimis à vino, & (quod in proverbio est) à fabis abstinendum: Audi Virgilium, *nec Veneris, nec tu vini*, &c.

XVII.

Sed quotusquisque est, qui subactam adeo vivendi legem sibi imperet, à se impetret? Altera igitur cura erit, ut quæ per incuriam congesta fuerit, tempestive egeratur materia. In hunc scopum. 1. cruditas, quæcunque aderit, castiganda est vomitibus, deturbanda per secessum, sæpiusculè, at leviter. 2. solennis, unoquoque Vere, instituenda purgatio, exeunte repetenda Autumno; præmissâ utrique, si opus videatur phlebotomiâ. 3. reliquæ humoris discutiendæ sunt, per sensibilem hydroticis; per insensibilem transpirationem, Antipodagricis; nec enim, quæ hoc nomine prostant, antidotis, occulta cum ratione affingitur, dum constat aperta, qualitas.

Tertia

Tertia adjungi solet providentiæ pars; articulorum per astringentia roboratio; quæ minima quidem est, & frustra, cæteris omissis, tentatur, imo noxiæ; præsertim cum aliquid hic subesse videatur, quod Medici nec Juris, nec arbitrii sit. Quâ autem in specie materiâ hic & alii scopi commode adimpleri possint, plena ac plana sunt practico-
rum volumina. Nec (ut notat Riverius) uni fidendum est me-
dicamento, sed juvantium & lædentium summa semper
habenda ratio; cum quod uni prodest, alteri
sæpe sit inutile.

F I N I S.

